




Raynald Malmberg y Ryan Maduro di Marriott a haya promocion grandi pa Merca

ORANJESTAD(AAN): -- Dos empleado sobresaliente di Aruba Marriott Resort & Stellaris Casino a haya un promocion grandi dentro di e cadena internacional di hotelnan Marriott recientemente.

Ta trata aki di Maitre D' di e restaurant Italiano "Tuscany's" Raynald Malmberg y human/personnel manager Ryan Maduro.

Señor Malmberg a keda promoví pa Restaurant Manager na Airport Marriott na Houston, un hotel di 566 camber den vecindario di aeropuerto internacional di e ciudad.

El a acepta e promocion y ta trahando na Houston desde comienzo di October.

Ray Malmberg ta un hende cu experiencia amplio dentro di ramo di restaurant y hotel.

El a traha na diferente compania na Hulanda, entre otro na Hems Horeca Exploitatie Maatschappij Schiphol.

Despues cu el a regresa Aruba, el a cuminsa traha cu The Mill Resort y riba 22 di April 1995, a drenta den servicio di Aruba Marriott Resort como Assistant Restaurant Manager.

El a yuda pa set up La Vista Restaurant den Marriott.

Aruba Marriott ta orguyoso di Ryan Maduro y ta contento cu e bon oportunidad cu el a haya, aunke e hotel y su personal lo haci su falta dia e bay.

E tarea principal di señor Maduro na Aruba Marriott tabata pa duna training na e trahadornan di e hotel y e casino.

E cadena di Marriott a reconoce como un training-manager excelente desde comienzo di su carera y tin ne ta duna training internacionalmente pa varios aña caba.

E ta viaha constantemente y a duna training na hotelnan Marriott na Puerto Rico, Mexico, Guatemala, Argentina, Brazil, Costa Rica, Saudi Arabia y Bermuda.

Ryan Maduro ta un persona hopi conoci den comunidad di Aruba pa su amabilidad, talento y profesionalismo.

El a keda promoví pa Director of Training na Marriott Orlando World Center, un hotel enorme di 1503 camber den cercania di EPCOT Center, Magic Kingdom, MGM Studios y Sea World.

Señor Maduro a acepta e posicion y lo verhuis pa Merca dentro di corto.



Ryan Maduro a nace na Aruba na 1969 y ta un graduado di Colegio Arubano (HAVO) y di Hotelvakschool.

El a studia na Florida International University na Merca y a caba cu exito na 1991.

E mes aña el a cuminsa traha cu Hyatt Regency Aruba y na 1996, a join Aruba Marriott.

Aruba Marriott a tuma un

Arubiano (Shirley Barrow-Trimmon) na lugar di Ray Malmberg como Maitre D' di Tuscany's y ta spera di haya un Arubiano tambe pa puesto di señor Maduro.

E hotel ta kere den su trahadornan local y manera señores Malmberg y Maduro ta muestra, Arubianonan ta mes califica y apto cu cualquier otro hende.

Actualmente Aruba Marri-

ott tin dos trahador ta siguiendo un curso di diesochu luna pa supervisor na Merca.

Marriott tin gran cantidad di hotel tur caminda di mundo y ta spera di yega 2000 hotel na aña 2000.

Fotonan: señor Malmberg cu su coleganan di Tuscany's y señor Maduro (cu bril) cu General Manager di Aruba Marriott Scott Ringer.

ATTENTION

- BANDS • RADIO STATIONS •
- DJ's • CLUBS • ORGANIZATIONS •
- BUSINESSES •

SOUL SHACK

(located above Benihana and Hooters)

FOR RENT

- For parties, X-mas parties, dances, meetings
- High traffic location
- Ideal parking
- Catering and Bar service available
- D.J. and band set up
- Available immediately
- Rentals by the event
- Rates starting from Afl. 900,=

For further information Telephone:

826788

FOR RENT

Commercial space

105m²

**Prime location with
lots of parking space
Belgiëstraat 5B, Eagle**

For inf: 820092

9.00 - 12.00 am

3.00 - 6.00 pm